



簡易集

八

~20
2462
8

十九



40
277/8
2462
8

簡易文集卷之八目錄

西都錄前

西都錄後

還京錄

東郡錄

還朝錄

休假錄

一云稀年錄



簡易集目錄八

簡易文集卷之八

西都錄前

西行道中

君恩初出獄世難正無家忽忽將何適悠悠
亦已賒懸鞍踈店兩岸幘亂溪花未必無佳
句吟成恨即和

一松沈宗伯以事到箕城步其寄獄中
詩韻呈奉往復三首

厨傳尋常溷有司何如葦戶叙歡悲陶樽地
坐停軒盖怕不相宜覺正宜



一廢無心復百司雖然舒肆足傷悲壽兵曲
禮公能事使我終同萬物宜宗伯帶
草昧經綸繫所司新亭肯對楚囚悲甘同野
老應休恠我自從前去二宜

送 聖節使金令公尚二首

一代林塘老如今已九京典刑存宅相思義
在門生路尋華表鶴詩記杏山鶯以我昔興
感知君更愴情令公林塘鄭相外孫也鄭
王暑猶年少金闈不歲遷郵程迴問禮使節
去朝 天孝得過庭便忠惟報 國專邊聲

今一槩跋涉莫悠然令公大人

為 天將曹副總希題便面

帝德如天東顧年將軍不遠從西川期清鯨
海潦收後定發錦江花動前一步誰違白羽
扇秋毫必當青銅鏡歸朝榜子家風在會入
邦人金石鐫

劉顧者苦索題扇為走筆

山水成都府曾聞似我中子秋無杜老定覺
錦溪空

有戲鄧生起龍

成都好事客浪說薛濤殘新詩無處著不是
怕流傳

李希楚者因鄧生索詩率尔應之李乃

劉提督綬標下官舍云

桓桓劉督府提兵彌最精全蜀山水國故宜
多材英所以旗鼓下虎士賢書生東救二萬
里秋毫無所驚六月將渡浪薄言留西京不
見李官面人傳李官名求詩乃為事何必問
生平

奉別接伴使南令公德東歸

公陽忘客主浪上破閑忙總為三杯酒聊成
一笑塲干戈滿天地妻子各參商此日分手
去前期何處鄉令公為公州時
余奉使客焉

即事贈南令公

瓢泉斗甕地中埋麴米相捋初醞醅此是閑
居好消息新晴又得故人來

督運檢察使柳西垌先生在彌串寄和
道中韻四首今為謝

吾衰又今日旅泊即為家硯破書難食囊空
酒莫賒寧論仲子粟且灌主人花尚賴葑菲

妾彌能執敬和
病休三世藥窮謝五行家報
主心雖耿為
臣迹故賒亂中僑舍酒春後異鄉花亦有舒
憂作真成臭味和

右二首自叙

知公誰似我憂
國獨如家海上能輕瘴天
涯詎覺賒幾催千文髮又了萬重花肯使軍
興之殘眩恐失和
登臨隨地眼消息見人家痛切南荒登憂分
北極賒偶因閑把筆寧有夢生花猶覺百六

十不將凡語和

右為先生叙

北村路

終日駟牛馬多皆避地人却疑太平日此路
及荆榛

次韻僧洞宗卷

卷有聽天我
溪兩相公詩

兩相於吾友與師僧來得見亂前詩人間長
物知皆妄汝自風塵袖裏持

題香山僧智寬卷

南中飛錫來西嶽
上國饒官遊古京可惜

相逢對籬菊不成一笑過溪楓

贈安居士慶昌

嗟哉安居士其守人莫矣謂同無奈介謂介
無不可達官不苟交無所事干要達官不苟
遊樂其多英美有如崔金蘭達不達之間不
避而交之交深則其宜相遇廿年前君衰我
中年今日相對看我衰君朱顏君從衰後得
得非鍊養力共食無以異內丹或專是始聞
城市隱者名今見煙火安期生

書安居士誌銘後

荷谷許學士先為之有生非生死非
死之語蘇齋盧相公後為之則有云
生亦死死亦生今余因而戲遣之

生也非生曷不自為銘死也非死亦無事於
誅少如許而先女去老如盧而能後乎是當
有少不知少老不知老之人真能掩生亦死
死亦生之身

有和方伯朴公應邵

雄藩本藉古京華遊冶傾城樂事多亂後居
人翻朴陋廢園皆種木綿花

謝方伯惠酒材疊韻

老須紅友借顏華物料深知惠意多秋後煖
寒應更妙白衣何必趁黃花

題靈鑑卷

不識香山幾洞天餐霞飲綠定堪仙先吾一
往皆高躅况爾中峯掛錫年

簡大同鄭察訪點

一犬奔時數騎呼錦鞢俄拂劍翎祖知君縱
向霜空意欲使林間孤兔無

右為賦放鷹

晚食漸能當有肉羞將長鋏嘆無魚惠然那
意兩足羨前夜夢之來蹴蔬

右謝餽雉

復奉鄭大同二首

君不負丞丞負君常途安用氣空羣宴居駿
對髮支遁衙退騎歸醒廣文

大同名選非故驛丞之倫而調戲云

云耳

纔去高山復大同思無邪上定收功還須著
念凋人率馬在先師不問中

題贈守仁

逕古永明荒寺下
江寒浮碧廢樓前
著僧著客雲萍耳
詩句相留亦漫然

廣法寺次韻雪峻卷二首

行走塵埃四十霜
堪憐弱喪老迷鄉
竭來文室聞僧話
始得安心第一方
卯醉誰知屋上霜
蒲團解入黑甜鄉
莫嘆溷汝脩禪地
空却塵緣各有方

戒澄長老卷

久矣憐方外
高哉與世辭
欲成蓮社約
愧乏

草堂資流水
聲聲語青山
色色詩還須
頌我輩即此見心期

雪英卷澄子之

老於供世疲
依違歸又無
家堪掩扉一在道
塗歲月暮重遊
城郭人民非
髮僧杖屨不期
共蕭寺房櫺
曾見稀時汝
師生厚意足
惡詩得當留
顛衣髮僧指安居士也

釋圭長老卷

衰晚羞從大天後
白頭偏映黑頭明
陽陽此日西山寺
老宿頻逢先我生

贈惠圓住錫二首

一身去國復無家到處書空沒奈何
清梵上方應不寐夜來誰得雨聲多
聞師頗解五行家推數將如此老何
六十年中榮辱足藉令未了也無多

贈惠真

我來三宿彌陀殿將去始知有惠真
平素於人愛退訥故應留結後來因

留贈曇蘭

簷虛山月入室靜佛燈懸杖屨與頻起
茶湯

供少眠倘憶彌陀殿能忘蘭入禪

留安居士二首

浮碧樓前同悵望彌陀殿裏共酣眠
風塵一念常溝壑此事安能得再全

旅泊猶牽人事擾山齋信宿便言還
憑君莫羨僧長在剩却先生數日閑

謝奉黃掌令汝因以為別二首
陳奏使書狀官

也議政為正使以行

輶車誰肯問沉縣聞姓令人悄
恍然端為久違吾叔度豈知時起
舊庭堅鯨鯢浪惡幾無

地虎豹關嚴保有 天狙詐負名亡即愈辯
誣宜重乞師章

左海文章士從來第一流惟聞華國用詐見
雪 君著大事三公長竒功萬里收愧余頻
代匱贏得白渾頭掌令江原人也

再題靈鑑卷解其歸山之思

文殊不在妙香山飛錫休言未早還汝鑑但
空無物入欲將他去要誰安

次韻信洞卷四首

休文名字重於山玄度風流又一斑每苦行

僧來撼我卷中還對故人顏

卷有沈松台詩

一落天西望故山兵戈滿地鬢毛斑無人共
打通津話翻愧鄉僧識我顏

我與洞俱家通津

仙舟憶著此江山綾鳥青青繡嶺斑今日對
僧玄福里數條怪石當孱顏

傷心千里好河山六七年来戰血斑為語浮
屠先我竟有甚何處似商顏

題洪斯文遵所有鶴林守散畫五首

空中芳為軒窓詩酒号安能使之雙可見者
号隨以一缶不可見者号滿腔

舟繫斷岸廬對烟林其人不見其樂可尋
峩峩而洋洋而何必絃之一笛橫吹峩峩而
洋洋而
山長水濶兮揚舲者兮為誰雖曰無詩兮吾
必謂之有詩
偉然而皓者兮乍同而乍異吾方諦視其三
人兮俄若與之為四

追省末幅三箇人物誤認為老戲更
題其後

莫是淮南門下八公之三者耶向吾認之為

皓安知不復為童也耶今茲之遇焉其方非
童非皓之間耶

次韻佛慧卷

神州莫說是吾居世亂無禪罪有餘晚節真
尋遂初賦要津不待絕交書免鎖故紙如蜂
子甘死陳編似蠹魚老衲獨能來問訊新年
耕築欲何如

謝曇蘭

我閑未赴雪中期汝懶能來問歲時飛錫無
心肯相較可憐添却一年衰

前通判李君福將兒柩以歸詩以送之
欲寬其哀也

曩我訪君許懸燈話小廊俄以三孺見十齡
弱及強問之各讀書對語何琅琅愈大更醞
藉最癡尤精光念君於我子游舊實輩行我
尚無一孫君將仗三郎為之羨且慶君若讓
而當安知旬月間聞有大孺喪適丁落官日
竒禍如交相復茲新歲朝何以告萱堂歟之
亦草草奄已成中殤來時學跨馬去舁二人
將豈欲傷老慈行色難分張春物漸生意知

君增感傷為君無遠譬請以我子方君但存
二孺尚優一難望就令俱晚幸僅得與全償
君如不自寬毋乃欠推量我言理則然非止
寬君腸持慰大夫人免於色養妨

尹祥原慶福挽詞

與君同蓮榜四十五回春二百為兄弟存者
無十人與君交郡符亦既及二旬自後三分
一支離對兵塵乖闕率多時暫遇足頓呻比
衰不相鏡寒暑復已頻君猶專城宰我為去
國臣相望莽蒼地間以沮江津閑忙不相謀

一聚良無因俄聞以病免欲問墮因循我輩
備嘗世生也與死隣故宜無足驚奄忽為傷
神孟春戒歸路冰雪塞車輪寓殯焉能久祖
戴直凌晨風燭乍明滅旋嬰慘已陳扶孤不
忍別遺愛在吏民所慰賊新定首丘免荆榛
不似君病日憂悲後其身我出無人從哭送
又難親區區詩一章詎見平生真

送李參奉

傳

以公幹入香山

自我慕名山西瞻妙香嶽官忙及時艱近止
猶難覲今也兩無之便當理謝役人言寒未

可選我數賞落李君豈仙吏茲事自來迫以
我聞於僧屬君先領略度坂川如掌憇沙峯
似束萬壑連松聲千巖盡苔色洞天儼襟抱
佛殿敞金碧初逢汲澗僧出揖多韻釋鐘磬
覓上方鍊繩緣峭壁瀑布掛虹蜺飛瀑噴珠
玉妄謂入轉深庶窮山脉絡紛擎擁香蔓陔
絕落雲木雪將陰厓古花特陽林擢有時起
風雨脚下生霹靂毗盧到有分健者然終得
乃如衰白人縱入焉能極待我二院間因之
試探歷吟述方亦真此詩近懸度

次申敬叔學士韻贈南別提善初

末契常憐子要門懶曳裾嚴程能念我委巷
訪巢居老去詩陶寫愁來酒破除東歸煩為
道改舊問書疎寓居有構木為巢之狀故疎之

謝柳檢察西坳公來訪

朝端罪不齒非敢逃邦危展轉西都來僑居
恐人知冠蓋雖旁午不聞車馬馳豈無舊相
識伺候斷非宜平生西坳公憐我世棄遺紆
轡問委巷惠然肯來思方有前呵聲竊令奴
認誰云曾同槐院我已信不疑蓬頭戴笠子

衣袖拂塵帷導之磬折入慚謝低門捐寒暄
展甫已文囿恣所披微我閑中作舉公取次
為覺穢珠玉側立新風戶施恨不長追陪壘
堯忝迭吹俄有府吏告簞壺適携持公笑此
不妨邇來非向時重重潤少海元孫永永
清南陔餘生屬相慶一醉安足辭我惟公所
命滋味驚朝飢下筯乍生熟含杯集喜悲兒
童驚稍定穴壁而適窺婢僕久無禮遽能為
低垂初不煩嚴隊忽如散習池留光在門戶
免被隣里欺古人重知己末路幸遇之感佩

何以形區區五字詩

雪月奉西垞公行軒 進退格

前年殆無雪留祚春空花新年初度月雪後
舒其波維月表 重輪得元以增加維雪遠
惡氛向來郊壘多天餉大平年今夕擅清嘉
遙知 京輦下九衢瞻且歌獨賢公去國羈
旅我無家相遇不同賦當如雪月何

回和章効顰 長短句

月懸天上燭雪撒空中花雪以護月微點綴
冰以承月防淪波天公合厭人澆薄奚用瓌

竒一併加應憐東方人兵塵七載隨處愁勞
多而今鬼誘狡窟空 國步復休嘉尋常元
景上元後何足以勸 中興歌流銀與積素
均之億萬家闕忙不問吾人歡對此不飲何

又回

雪上梅動縈月中桂舒花寒分萬壑冰淨傍
銀河波桂梅兩竒絕雪月仍交加寧論異霄
壤開落稀與多何以堪比倫公詩穆以嘉驚
人明月投寡和白雪歌雖然大雅手會當華
國家梅益與薑桂薦實復如何

題洪斯文所有鶴林守畫篋二首

大石為牀小石枕溪風山氣共泠然世中萬事驅車馬輸與高人一晝眠

古墨輕磨不用忙奚童搗我疑何想好詩未入卷中來都在飛濼懸峭上

前於散畫帖題其半以還今復要畢寫為四首

一香爐一酒壺書一編吾知先生之書非先天則後天

語者不形於口而形於指聽者不形於耳而

形於拱胡琴之在袋而泠泠者已動

孰為杖於家孰為杖於鄉抑無杖者居而有杖者行與

書以出紛紛知不知吾樂子欲書未書時

帖面

我國名畫多出宗英目今如石陽正梅竹鶴林守景季水石亦殊絕者也洪斯文自北來多得鶴林散畫於流落中持以示余索題詠觀其寫人物尤逼真要皆非凡俗風骨也余不曾見鶴林公或者此中有不

覺自肖其狀者耶

次韻義正卷

吾生不識香山面汝亦難窮八萬峯但覓文
殊真在處浮雲流水任西東

謝朴方伯惠貺三首

流落遂僑居新年無曆日使家贈送意欲我
知時節我從衰得老不喜看此物今年却喜
看為我六十一我矇於世故少光非頽脫及
其二三十僅與痴童別自今更初度庶得補
所闕終始等鈍遲幸而躋耆耄况又邇年來

兵戈苟生活安知一夕報蛟鱗自去窟人力
不致此天心實陰陽請觀 仙源慶適值誕
彌月然後入新正 中興元攸揭我輩再生
人亦合新甲乙所以重茲曆餘年指初屈且
就目書事三百八十吉

有月

右新曆

自吾忝知憐種種拜大細特感分臘封以為
新年計清心攻盛熱微猶去煩滯蘇合下邪
冷貴在平乖矣衰年向事熟不能者榮衛得
藥於病先慮弊可無弊推此仁人心詎專賓

旅惠獨恐關以西浩難物物濟欲清厲庶隅
欲合崇愷悌公但任吏耳即公真良劑醫民
推醫國亦足此言蔽早晚還 本朝吾觀公
獻替

右臘藥

雲孫白斯質漆吏玄故文最其相為用二者
合平分沾潤弘農氏附麗中書君玄固為有
黨白也初不羣磨憂而灌翰參互致其勤白
惟靜以受及策垂世勲玄白先即我爭長欲
云云我且須畢至聯事以解紛

右紙墨

義正上人同安居士將與義嚴大師會
詩以送之嚴都維
攝也

無官一作西都客不遇沙門即道人去見嚴
公為相謝衣巾誰是染京塵

記夢

前年正月客松京夢得彩筆非常觀今年正
月在西都復夢鏡墨多不數始謂偶爾無庸
思既而異之稽諸古玉恂椽筆光大手江淹
五色資藻斧註易之肅腹稟勃二王墨九如

接武此皆英特當盛年向後聲名神所胙我
今行年花甲周有過無進者才具白髮種種
無能為況復昏花著阿堵何宜二友夢於我
正使有益傷哉暮回頭二十三十時一何寡
助惟些窳恟况未喻復記憶往年奉使
皇城寓三元之曉 五廟夢冊上徽尊 宗
與 祖即事重新兵火餘合有此舉寧輕付
當時已與同行笑今之所夢何舟誤我謹持
以謝神明居然自享慙無故果如有意於微
長不再夢為寬朝露清明來復却衰昏富若

取之羣玉府然後質我文章成更煩一夢古
人遇

簡抑西垌行軒步其贈安居士韻
歸前只索莫去後定平安造物慙相聚吟毫
欲且閑塞日應初永江春尚更寒惟須各努
力餐飯亦留顏

謝曇蘭

望中活畫誰將至雪後江天著一僧不待我
詩歸也有溪頭錫杖獨敲冰

贈姜樹之東行五首
姜乃庶
尹之子

自吾身無官流落困餬口今君志當世翩然
輕分手 朝家急所需屢設英雄款豈曰無
故薪積者易衰朽

朝廷自掄人何必由鄉貢文章視時好近作
便鈔誦如君最高明行行且從象定要止兒
啼始究為儒用

西遊有所得第一吾樹之崑山琅玕柯秦海
珊瑚枝何必貴難見席上珍在茲隨例克
庭實會有玉人知

本出京華曾隨侍西都宰舊業盡兵戈故山

猶江海身赴 中興試携家及春菜必得忘

固窮要非君心在

君雖不自必得雋非君誰頭簪 天上桂歸

騎暮春時舞絲詭菜子尋芳羞牧之去留恐
不值值即含君危

重簡西垆行史

在彌

一望彌千里三春抵半時江城人不奈海戍
客馬宜禮樂重興歲煙花未了詩閑忙雖自
異脉脉兩心知

送朴秀才汝彬

晉

東歸三首

急科不成學利舉非文章非文章尚可學
本則亡為是或有說何後方自強一為利名
汨孰能迴瀾狂矧屬 中興初才難務多忙
入範無停鎔涵揉有不遑今君赴試去利鈍
非吾量所祈一戰捷所措再難償

流落仍羈滯寒暄斗室裏正爾遙空虛但聞
定然喜况君好學姿相從問文字以我篋無
書日見新卷至為之讀且說有如石投水未
必能相益自覺衰朽起一日告別歸難攀青
雲志早晚余亦東茲歡嗟遂已

仲春寒猶峭雪著羣峯白江冰斷復橫不放
千丈綠安能與諸子一棹追刻曲此時有離
違使我興更索歸及漢陽城陽和定全復看
取風塵後猶能樂事足手折桂枝高月邊晨
露溼莫遽回頭笑憂在江湖客

四詠

牧童牛背長所熟亦何事牛飢遵隴草牛渴
走陂水日夕知還家一順牛行止順牛無所
為此其牧道至

右春牧

晨征星始稀暮歸露欲濕養苗心孳孳去莠
意汲汲青青俱受生毋乃仁恕之百草不亂
苗吾鋤何曾及

右夏農

釣意不在釣鄙人敢如是全家食有魚有餘
復以市棹入浦烟中舟還山月裏使釣與此
違我亦不必事

右秋漁

我方志茂密敏者已先及枯朽以待勸復為
鈍者拾始知行樵道用計日不給但奉饗室

心不嗔凍與濕

右冬樵

次韻道學卷學也自言金剛山普德窟

絕穀十三年

不能絕粒棲雲煙所以風塵七八年未了底
緣來世裏藤蘿窮處足諸天

送柳掌令敬休 謝 恩書狀官之行

正使韓贊成
副使洪判書

粵從壬辰來蛇豕食我疆戰守有不克籲號
動 天玉一救折大勢屏之南海旁當事患

繹騷媒和肆譎張于時不佞臣忝使言兵糧
歲裏舟懷奏亦殫懇部堂 曠息方試賊危
懇遂見妨初非包胥勇不死於依墻海中事
大謬天下兵又揚師直詎苦戰胡亡決彼蒼
鬼繫誅其首夫豈幸其喪蜂屯屬自潰虎翼
翦餘狂多壘俄一空孰非 天威將山河數
千里沆可安耕桑及茲選使係名以 謝
恩光貳公新 命隆八座宿望彰佐者實國
士衣冠有臺霜訪我流落中西都話一場我
始羨且歎人生分難方昔我行險艱今君出

康莊全遼豈不壯山海夾荒茫中設藩臬地
城池金與湯關輔豈不佳麗譙泐脩隍載瞻
清風臺千仞忽鳳凰矧乎 帝王居天府龍
虎岡揖讓而富庶虞周兼漢唐我惟忽忽過
憂憤撐中腸君將歷覽快還又異往忙益知
達與塞不繫人願望君看搏扶搖逸絕搶榆
枋

通前數詩緘奉西垆行史

題詩春尚早信使病難將我自如前滯公應
似舊忙歸兵迷塞草亂國少江揚何處風煙

著相望一斷腸

僑廬漫賦

草廬雖自迥農圃不妨同易覺生涯足還憐
眼界空人行江樹外鳥度郭煙中自恠緣何
事長時夢寐東

偶感

羣物熙春氣旅窓聊一觀有營燕意忙知止
鳥聲閑泉動便欲逝雲浮時自還人生亦行
休咄此遂頽顏

晚望

八東文選

古國三春裏端居一草堂野長纔辨樹城直
忽看播陋俗無寒食荒墟有夕陽賊平君

尚辱微力念穹蒼

土人不用寒食作節
故耶變耶未可知也

謝南善初重訪

寓舍少隣並蕭然環短墻墻頭時一望江郭
春茫茫壺酒故人至東華入話長應憐白首
心不將時物忙

戒明卷

滯迹江湖憂未窮香山之計又成空僧歸將
我詩披拂百道飛泉萬壑風

為慶林君送邢軍門竣事渡江二首

督府端須置碩臣不令天下見兵塵魯邦尚
用儒無敵夷虜宜知 國有人東救藩要仍
力量西來甲首盡精神魚腸足棘空巢走虎
翼寧饒駭網鱗已與箕封蘇蠶蟬竹看 漢
闕聳麒麟去留肯顧山輕重難捧 威靈久
海濱
征苗勤 聖世救楚屈仁人冰雪來衝臘煙
花去後春鼎鐘勲伐遠樽俎畫圖新豈但陪
從感免為亡國臣

題贈片雲二首雲乃南陽洪族也

平時誰貴出家人亂世莫如雲水身無髮無
官吾亦近悠悠何事尚風塵
一代南陽多達人葭葦不信錯謀身名山異
境遊將遍那有因緣在世塵

送李秀才論往谷山郡二首

谷山山中郡窈若非人境冰翁念玉婿鞍馬
勤遠請不言閨夢圓定好書齋靜朋游樂雖
替獨處味愈永篋中韓李詩豈欲徒披詠溪
山助君筆他時吾避猛

維谷產甜蜜富若錯于海家家養蜂成亦有
傍崖採老子事九藥常須此物在為覓刀圭
資知君情不怠

西都錄後

香山僧太洞卷次韻下並同

白首尋山志決然分留肯作後生緣居僧為
我治鞋杖要向香爐拂紫煙

思軒卷

飽聞妙香嶽初聽普賢鐘獨秀三千界誰窮
八萬峯洞寒紅藥歛蹊古綠槐濃二院庵何

在師先為我容

道安卷

春苦多寒夏尚涼遊山早晚計誰長花王一
笑如相待欲拜非關禮妙香隱然重是古帝魂意

法蘭卷

此地殊凡界令人自遠方非憐僧足白豈慕
佛身黃洞秘全山氣巖竒發水光覓詩亦省
事松檜月蒼蒼

海源卷

三載經營辦此來萬重蒼翠馬前開竒峯向

整皆安寺古木緣巖總可臺舊識代言詞鬱
律新驚祭議思崔嵬休誇早已乘 息便睡
穩禪房未卜迴代言尹季初
參議抑敬休

法蓮卷

諸公自享鶴錢州安得名山愜勝遊簡易道

人無事久尋春較晚復期秋尹柳二公詩皆
有作暉州再遊

之

性岑卷

飯後自懸無垢衣曹溪門外澗聲微客來遠
謂尋春晚笑引牡丹深處歸

香默卷

曾遊不數小崢嶸此是神仙陟降庭一水真
源如有路諸天縹氣自為扁居僧剩占中間
靜過客猶收分外清却想威城當面目難同
李嶠巧殘生時家子作
熙州郡

題內院

六十遊山計太遲判無筋力恣探奇竭來內
院真要領八萬餘峯不到知
清虛堂不遇靜公疊韻

清虛端為養衰遲應選山中第一奇八十禪

翁六十客相違那復得相知

箕城僧惠式卷

同鄉衲子欠相知趕到香山要我詩應為此
問堪物色烟霞捲却鎮長隨

訪靜老師佛頂臺題贈

跡勝東南遍神完八十難終憐香嶽熟別築
草堂安石色千年古松聲五月寒客來塵念
醒將去更盤桓

性雄卷中有為曹溪水行者步其韻為

雲水行

禪心虛寂宜無著何事憐雲復愛水本以雲
水狀汝閑乃須對此觀不已人在塵中不知
塵汝居雲水何獨異我入妙香山中來壑雲
溪水餘無地悠悠泠泠使我樂始覺汝不能
無意

雙運卷二首

運乃靜公弟子靜門多
去者惟運尚奉杖鉢

文殊即在妙香山果見師明弟亦端應把禪
心還著省上方月落磬聲殘

曉壑雲深晚始開山齋不得廢山杯一醺相
強那妨戒堪喜天真發出來

將出洞走筆贈靈寬老師

我少行山中憐僧敏以聽我今自衰境合者
响而聾半月普賢寺可愛惟寬公相看默有
味數語時亦通聽說壬辰歲起義何其雄先
登平壤戰斬將人借功來卧曹溪月鉢孟從
屢空却慚奚未了歸心隨水東

此來即尋香嶽若一錄者止此

題贈守仁

曾見渠師法一方規重建

大同門樓而今聞其枉死樓以不克成
為恨之

談間已具沮江樓使我三年為再遊惆悵人
亡樓未就落霞孤鶩等閑秋

送巡察使徐公玄紀西行

共言分陝丈夫榮獨少笳蕭具後行瓜月不
妨還一出穡人誰賴有西成香山供路萬峯
霽鴨水護江三道明會待歸來陪賦詠登高
節物足將迎

瓜期將及
國恤甫終

同鄉僧信洞持新卷求題率尔荅之

欲問西遊久先慚計未東家鄉百不賴爾我
將無同下里三叢菊名山萬疊楓隨綠聊復

耳不負是秋風

題天緝卷緝曾以經書刻手役于漢城

時得水東晚耕首題今緝來關西方化

十九史略為次元韻

晚耕李提學考彥也

千卷手中刻萬人言下施心優夷則進韻邁

古之遺已得詩雄長何為訪我茲會看硯發

穎從事 中興碑

緝見諾史略先印卷分送吾且徐圖紙

地姑用一絕謝之

兵火書亡已十年白頭舊得又茫然誰能小

却十九略農圃餘閑須一編

義正卷

黃花消息鴈聲中走向東籬檢數叢正悔一

年詩句慶適逢僧卷未求工

送徐方伯還 朝二首

亦識緇衣繫國望其如部下戀紺裳威風未

害陽春脚雅量終存鍊石腸兵後江山依舊

日政成歲月際新霜 朝廷肯使人人代自

是區區轉不忘

望叶平聲

右為部下宣怨

浮名不救醜生塵旅食頻年淚水濱茲地足
稽天下士我公堪覓卷中人敢憑末跡嘗聯
步殊賴餘波與酒鱗欲逐東歸毛羽落非關
白首計因循

右自為形感

更呈江渡送別小詞次昔人韻三首
大同江口渡人多慣聽勞勞送客歌誰似三
年咨度定身歸天上德餘波

右為屠人

蘭舟在渡馬聲多作別何須唱楚歌自是

人難忍淚風吹落日水增波

右為官妓

生憎官渡渡無多不用舟人更掉歌歸騎如
爭水東去應憐滯客共頽波

右自為

邀方伯

簿書拋後可清秋聞說離筵近又休下里寒
花開已遍何妨枉蓋對虛舟

重奉徐方伯江上別章三首

高牙大纛映江關去又雲霄切近班莫謂文

夫容易到安危懸日受 知難

練光浮碧總丘墟江上風流一舸餘愴此離

惹堪慰未笳蕭生澁 中興初

西遊故國即天涯復向江頭管別離無限落

來紅葉濕不堪題句寄相知

德倫卷

借問僧居何處邊上方空月下方煙丁寧莫

出藤蘿外容易前溪風雨連

仁慧卷付天緝還

覓詩於世上何以與山中我正看衰菊公應

對落楓惟餘兩地月不老九秋風寫去知吟
慶雲空丈室東

贈體府從事李應教緝赴成川二首

相欲問今古寸須具武文堂盛元白玉幕選

亦青雲信客堪因主 知臣况有 君丁寧

請纓志莫使負終軍

山如十二峽水似百花潭客舍間仙館人家

發佛庵蘭繞窮鏡北竹杖到屏南幕府元清

暇何嘗事討探

回使書狀官李正部求題贈言帖率介

應之李亦纔經北評事李名見

挹翠詩無敵容齋筆有神兩家雄物產三世
後生身玉塞弓刀雪金臺袍笏塵年年收拾
富復肯取諸人三公李為

奉遠接使一行求題草堂使李判書廷

即東說李正郎安 入東文選

屢廢偏仍舊業亡故都摺止算非長丘園自
合羣麋鹿城郭還能觀鳳凰 北闕暫時違
侍從東槎斯役盛文章買山百萬稱高義爭
似題詩賁草堂

次韻謝朴從事說之

閑忙俱稱分交道獨忘年忽在青雲騎誰迴
雪夜船新詩看穎脫落紙已流傳獎飾無益
醜著登羅綺筵

簡遠接一行江上入東文選

屈指西來冠蓋頻東華定覺少居人士著不
識龍灣路文欲相當 鳳詔臣聚勝亭深寒
更勝迎春堂迥早知春遙應酒賦無虛日再
造尤須認 帝仁

寄權大雅入東文選

西江不見西關遇一世良難一日知氣際合
求高士傳文章尤過古人詩白衣未嘗還乘
駟黃卷安能只下帷見說至尊徵稿入全
勝身到鳳凰池

次韻賦韓景洪受東宮賜葉二首

摘知猶帶翠色到始白黃嶺海年年獻風霜
箇箇香時從儲掖出只合講帷傍下燭
無遺物恭惟兩作光

右袖子

緒實須重海開花只滿城嘗新供節序解渴

策功名內侍承言賜微臣過望榮惟應

寫無逸萬本報恩情曾有命

右石榴

哭柳成川月蓬公

先朝比歲擢材英誰似龍池第一名白玉堂
盛真學士澄江句續古宣城春曹屢惡推多
識峽府偏閑適晚情驚世文章今永已世年
相許獨餘生

次韻黃迎慰景義除夕後寄詩

亂後常羈旅衰來屢歲時供辰無戲樂守夜

長愁思近鬼寧驅鬼成癡肯賣癡含盃酣未
暢對案味忘滋只有憂同杞焉知命若絲經
綸非我事慷慨欲奚為縹緲生平慕團圓此
不期才因傍覺穢量匪洗求瘼與述青陽感
應寬白首悲臯陶會成績此物亦熙熙黃時判刑

權斯文盼求題後彫堂率爾應之

誰能亂後保名園物色寒松可識門種作龍
鱗知幾世依如鶴髮見諸孫朝朝爽氣連山
翠夜夜濤聲入室喧聯璧承家真不忝蓋傾

陰處肯空樽

送朴侍郎應邵進賀 皇太子受冊

下國屬承 天再造中華端遇 日重光頌
聲未覺雲霄遠行色那辭道路長 六御嚴
時催 鶴駕 三朝仗罷引春坊偏知此去
多新覩却媿回頭只管忙

送進賀正使成尚書士涵

今公銜 表向 皇高正值東風送翹翎
萬歲山尊臨 少海 九重天霽見 前星
三王度量家無外四裔謳歌物在庭不必華

胥入 宸夢使歸贏得與咸寧

送謝 恩使黃侍郎思叔吾與有先世分

宿昔瞻懷為典刑乍從歧路慰平生南迴說

海逢湖館西去期 天別沮城易以無邪當

象懼難將不腆發 君誠聖門所貴詩三百

還有黃金未竭籛公屬使海東回國方以享上物不能稱為患

送書狀官金持平

此去由來路四千如君尚健肯怕然應將古

意吟遼碣莫逐悲歌醉趙燕雙節祠前江有

月三忠觀外樹如烟歷茲方得扶搖力五色

雲開 北極天

船上呈柳明府彥明

放衙餘晷永邀客發舟遲脫鳥雙鳧在留車

二鹿隨正跨鼉鼉窟偏依鴈鶩陂由來足境

勝雅賞罕相宜

又遍呈席右

人世難間日天時重禁烟諸公俱五馬久客

忝同船雨過林無醜風殘水更妍何妨一陶

寫正屬 中興年

留別柳二郎 萱

藍田玉種異丹穴鳳毛新學業善因陋文辭
務去陳方將敦斧藻適始戴冠巾此別非三
日相期刮目辰

題與法輪上人簡月蓬仙老先生者今
於輪卷得之當八月蓬挽章之前而感
其事隨錄於此

戊戌初夏在
皇華場第識

有書昨憑俗將詩今付僧致之降仙樓上翁
俗未必能僧或能寧知非僧非俗薄遊西京

者獨記仙山面目曾

余時丙申七月旬後去
五峯李學士蓋續爲之

還京錄

為金右台別吳都司

宗道

會稽山水離風塵太伯家聲絕品倫賢毓又
資三節婦孝移真見一忠臣由來詩禮堪提
旅重為春秋與教人東海十年酬 聖主南
原萬里夢慈親鯨波已報滔天靜鷓路行看
滿目春此別何窮懷季子前期只有後生因
挽南淮陽令公起夫

折節明經歲僅周求私造化素心蓄手攀丹
桂方青鬢腰帶黃金尚黑頭樽酒逢人開口
笑世塵何事入眉愁謂君久享天然福堪慟

淮陽一卧休

次韻梧陰相公寄示箭串唱酬詩二首

月汀一松
西桐與焉

長時寂寞子雲居寄到羣公賦詠餘初趁牧
春循渚苑會看犁雨洽郊墟土腴且假千人
種均駟非鬻六尺輿為軫恒飢分數晦秋來
甕盎不憂虛

頽垣宿莽萬人家一出城西慘目多聞說東

郊春事好不知能復有煙花一造拜二道見

漫出猶公事相邀即舊遊青春蒸野氣白日

漾江流一聚文章倒誰饒物色留還能寄聲

至正賦畔牢愁

贈郭樞名震卿義嚴還俗名也

避亂紛紛賢覺微能從方外不辭鞿紆來金
玉礪世器褫却水雲無垢衣鳥獸同羣知免
矣君臣大義識歸依國恩未報家如立

翻彼先貞後黷譏

送黃察議景明南歸豐基

實世通家及過庭多君居業當金贏二年制
盡髭仍白四尺封荒草又青觸物感懷濡雨

露泐途行色逼清明兵曹此去應休滯屬望
非同昔屢更

寄題金叅判王希養真齋榮

二嶺之南兵再塵榮豐似有護持神白雲舊
發醇儒業青嶂今稽秀士身材履尋常十六
景冠童後先四三人未應深却盟魚鳥當世
誰宜東閣賓屬擬客世

贈別李楨從鄭夢與令公赴京

入東文選

國朝丹青誰出羣安可度後李將軍山水平
遠是餘事 御容繪成泣 嗣君二孝伯仲

世其名今之存者孫阿楨昔余遇之亂離際
始任戴冠藝已成冬裘夏葛不時換此不能
為切身患為人揮灑風煙生有酒即傾醉不
亂年少相戲彌無腸不知其中堅且剛余為
太守邀館置心取有在非專長班氏文章孫
子略願從之學如嗜欲嗟余屢躋甘轉逢能
使斯人忘桂王吏曹鄭公同余愛談笑得之
形骸外奉使今為萬里行託將弓刀逐車蓋
悲歌感慨燕趙風知有合否屠沽中近邊物
色無足異廟貌雙節與三忠渠家能事在傳

神就寫五軀當逼真白日青天一展哭持歸
風厲邦之人悠悠西去入朝陽如出羊腸得
康莊雖有妙筆寫不得衣冠人物何洋洋還
湏買絹兩幅各數丈一寫鄭公稅歸鞅一寫
老子理漁舫渠亦一青驢一酒盞兩處各著
閑來訪

安四耐卷中有崔嘉運韻感而次之
袞袞無涯撩有涯又披春服帶全賒故人遊
在岱宗久誰與賦詩當物華

次蘇齋諸公韻

嘗世年來白髮新始驚城市有閑人只應春
事無多讓風動先生漉酒巾

送 聖節使李公德薰

早判人臣無險易陰扶君子有神明清羸可
是長途具消渴還輕暑月行上苑鴻來秋樹
色重門象入曉鐘聲會應竣事乘蘇健不信
歸程也去程

送大同察訪李斯文 發祿

薄遊疇昔相逢處今送為官管五花白玉署
中元地禁春明門外易天涯行人自絕奸乘

傳幕府應寬嗣赴衙公事稀跡餘是足詩書
會取射鵬沙五花古

次韻贈上人南歸將見松雲二首

誰把渠吾作二門困眠飢食足朝曛閑忙定
自歸山了看取晴雲與雨雲

嶺海雄觀說祝融西遊不恠先吾東雲公若
詰逋詩事亂日衰年懶正同

和李子敏題海峯慶士兄草堂次韻

松風不聞使我涼荷花不見襲我香神遊湖
光并山綠在得君詩吟諷熟主人於家杖未

杖慶士為名得策上何當一笑相知晚古人
命駕不辭遠

次韻連師卷二首連時往白蓮寺涼

不論塵世與禪宮銷歇堪悲十載中早晚白
蓮尋社去遠公雖是愧陶公

年來我亦滯西關不識渠遊近塞山今日風
塵真定否華坊蓮寺等皆還吾家在皇華坊

呈宋銓長寡尤公步玉河相贈舊韻

憶發皇城讓在前平分漢月夢猶圓雲泥
又倍三千里顏鬢終同六十年忝識慘舒俄

化地恥言飢飽總關天窮鱗但欲歸江海倘
有餘波一勺懸

送柳西垞再赴湖西巡察

文匠時推三四公乍前乍後終須同燕閑軍
旅獨無匹再擁節幢寧不雄毒草寺中替香
火甘棠樹下還春風潢池鯨海清若一入領
筆硯蓬萊宮

送冊儲奏請使一行四首

頻歲天寒滯義州主人樽酒不知愁去看舊
政存新尹應識龍鍾憶昔遊
正使金

公伯昔尹義州時僕奉使再過

微寵 青宮走 玉京事稽當日愧人輕

即今賓客司書去宗伯應嗟羽翼成

正使及書狀李君成俱輟春坊以行

僕昔後行亦係茲事

海州當日扈 鑾輿槐院文成賴疾書正字

今乘使車去還慚此役是吾餘
副使

張父好實行在時正字

冰河雪野度漫漫算得新年始過關燕市悲
歌誰易感倘憐三度赴軍官
從弟律

實充軍官為及之

申叅判叔正宅壽親宴席上走筆

壽道尊樞府榮看大侍郎樽開千日醞果祝
萬霜嘗促席先年近稀音並夜長生叨隣世
契再得上華堂

次韻敬誠卷走筆

適對酒
伴併戲

未逐無何有寧留此子兒青雲希我愛白首
足人嗤得客惟論酒除僧不作詩此翁只如
此贏得光陰邊

謝安四耐贈梳

有髮禪師禿居士謂同不同異不異渠應笑
我供世太無似贈我一箇竹梳子

送洪君瑞令公由都憲出安東

永嘉偶自同名地靈運遙應異世期宰相何
妨三品職江山不負五言詩青簾白舫將迎
日一鶴孤琴歸去時不是年來隣里索誰能
此別淚如絲

金左相挽詞一首

公吾
同年

稟精光嶽自來全吾輩惟驚度量懸累世甲
科如少後稀年台府却無前中興草木知元

帥將老江山識醉仙常日皺眉人不見會應

含笑下黃泉

公先祖若考若凡皆狀元而公探花郎

公推其榜我推官四十餘年相下難萬石不言風可挹三杯通道趣堪攀退休築就新年約初度遙開昨歲歡早判高陽先後去西郊此送淚闌干

退休亭名公與僕先兆俱在高陽

追錄次台韻退休亭之作未嘗覽者也

未有樓臺起居然一退休本期幸至去從說官成遊煙月供興寢漁樵給唱酬得君寧不久還向此中憂

申秀才得濟挽詞

申參判表正伯兄子也

學若行申氏之家產秀才之父予而優有之孰不是宜壽若位申氏之世食秀才之父予而獨無之孰不為悲嗚呼吾弱任冠而乃父推我曰師後三十年而遙哭於千里之外吾衰始杖而之子質我以疑俄七八年而永違於一城之內嗚呼凡吾所重於是父是子觀於其外言若不能出口體若不能勝衣而中之所存磨之不可使磷沮之不可使縑斯古之入所為難者而今之人未或能之慟吾僅

見而今不可再吾暇致詰於天之報施嗚呼

東郡錄

清澗亭

襄陽不赴扞城來首尾流年十九回東海一
遊元有計白頭真免白鷗猜

金剛山謝太熙相將到摩訶衍

山從水站欲忘歸石度黃龍為振衣多謝
公相送意摩訶衍裏住僧稀

望峯即事

穿林跋石不辭多但見毗盧喜若何水站望

時疑太露歸雲俄復作微霞

藍輿

寤寐名山六十年藍輿此日繞山前人間但
說天難到萬二千峯一一天

志喜雨

時甚旱前八山數日禱得雨不足山中稱摩訶客宿必雨

摩訶雨滯藍輿客此事山中故實傳我來正
自賢香火慰滿三農一霈然

雨

正陽遙眺與晴宜却被摩訶一雨遲欲識山
靈供我葦明朝萬瀑幾分肥

兩後正陽寺

毗盧秀色泛晴空萬二千峯大略同正見全
剛真骨相何須足迹遍山中

贈正陽孤住僧曇裕

亂後名藍到處衰正陽如此最堪悲何能淨
掃西樓坐日對諸峯十二時

普德窟

銅柱安閣是日過鶴巢見其雙
飛再三往回僧輩謂余有仙分

表翁望七試遊山興入香爐瀑布間已自相
期雲際鶴誰言銅柱絕難攀

示從者有託

東來十日便遊山是我忙時也等閑歸去那
無餘興著要令蒼翠在庭間

謝贈藍輿僧行正

白首尋山脚力微千峯一嘯計全違藍輿濟
勝難稱快賴汝翻誇疾善飛

謝榆岾寺主僧彥寬趕送洞口

一味禪心山映樓未妨將水甞同流殷勤送
我出山去我亦依依回白頭

次韻水鑑卷

汝憂圓水有時波將汝鑑來與汝磨但覺此
心元體得都無此子大清家

清澗亭板額

此心與海堪爭大未使乾坤只作雙終是不
能無物障煙霞盡處著軒窓

洛山寺即事

樓觀海日昔聞竒月得中秋一歲期此地此
時逢若雨天公停我嶺東詩

十六夕是日方為月望

剛因積雨得新晴步出東臺遲月生二八真

看規正滿前宵枉惱幾人情

十七朝

入東文選

玉宇迢迢落月東滄波萬頃忽翻紅蜿蜒百
恠皆銜火送出金輪黃道中

乾鳳寺信如卷

刻畫俱長

刀更兔盡老如公百巧何曾補一窮我亦年
來才頓謝寥然相對兩禪翁

義宗卷

命談

浮生七十足窮通無事惟堪慰此翁積雪西
林相訪意肯將談命勝談空

送崔學子有海辭歸時患墜傷沉苦
求閑本謂與衰宜涉歲翻為造物欺別後若
逢相識問虞卿非復著書時

又贈

頭白愛書無所為少年努力撫當時文章故
在功深地但瞰高門中豈知

遊仙遊潭二

海色潭光隔一陂無風兩段碧琉璃安能直
似仙遊日來往纔同大小池
仙遊潭上獨遊時鳥度雲移把酒危一兩白

鷗如識我沉浮來去故依遲

二鷹

多病經春始出田二鷹令我一怡然堪憐直
擊空潭上復愛橫捎快馬前

花津二

其實湖也

盈盈鏡面自舒波合著蘭舟載綺羅諸湖勝
迹應湏識不帶仙名即帶花
百花潭水即滄浪爭似花津海一方有時吐
納魚龍沸俄復淵然只鏡光

百川橋再尋不果入第為賦之

百泉來會百川歸潭在中涵動靜機最是真
源窮不得回頭閣道思依依

三日浦

入東文選

晴峯六六斂螺蛾白鳥雙雙弄鏡波三日仙
遊猶不再十洲佳處始知多

又

浦南厓有丹書述即徒南石行六字
鄭西川認南石為四仙之一恐謬

三入岳陽人不識世喧巖客坐詩成四仙豈
覺留丹字應恨當時南石行

海山亭

妙攬如將冗處刪茲亭誰著海山間四仙未

有留名迹應負憑虛易往還

寄挽李正郎義伯八

稼牧雲仍世奕如君家一派較低疎盛年才
業宜重振身沒還無子食餘

壬辰寇盜事堪驚屏父奔 王兩盡情至竟

山林亦不免甘心速殉葬衣塋

母儀咸說大家賢孝愛如君行亦全未有平
生失權志忍貽憂慟入黃泉

通判西京陞少尹雖論太驟譽方馳我因羈
寓翰深契寧謂人間老及遲

交河咫尺是高陽野服何曾來往妨吾女奉
君箕帚事稻魚相先計空長
小科猶自及雙親縣令郎官豈發身孤負吾
家為君夢具袍花拜大夫人
養衰須僻我東來女抱嬰兒酌我杯蘭笑玉
啼殊可念君拋此蛇忍無迴
骨肉無多憂亦少此翁餘事捻浮雲青年寡
女目前見曾向人家不忍聞

萬景臺次吳大年錄示先世載公韻

萬里滄波萬古臺斜陽唯見白鷗來天東秀

句人安在一詠如同酒一杯

閨重陽花正發寒未動

每歲重陽菊未黃今年菊好後重陽微霜我
足清新月似恐陶翁興欠長

洛山住僧昌雲來謁為次卷中韻

朝雨纔晴晚雨霏竹涼松翠鎮參差軒清又
得山人語正是三庚也不知

又雲不曾相識今得
并宗伯應邵書來

袖卷求詩不世情懸床為下似平生何從得
此春曹託萬戶堪輕一識荆下床適
有是事

清風竹 以下十客軒題詠十
孤竹之家難弟兄遺風餘韻至今清客來休
更主人問吾為此君虛左楹

霽月蓮

芙蓉出水色無邪一笑便傾天下花君子風
期誰再契可憐明月霽時多

裊露菊

裊露餐苗已飽香何須始貴傲霜黃甘心歸
後陶彭澤世亂併無三徑荒

擎雪松

墻外蒼蒼蓋對欹雪時偏愛玉龍枝庭栽三
四猶論族隨力班班擎重姿

朝陽桐

坐對搏桑夜已光梧桐地正受朝陽疎柯密
葉明年大代我何人看鳳凰

夕陰梨

三年培養孰非親樹取成陰何必新畏景西
南烘不到含消爽氣已津津

向日花

葵知向日亦殊哉不必暉光為爾回足感君

臣大義在白頭猶取一枝栽

宜霜葉

葉葉何嘗願剪裁文章亦故木之災聊供歲
晚當華實不道人看成錦堆

雨黛石

幾年海底老龍慳拔置使君庭牖間雨後十
分添黛色翛然相對當孱顏

雲影池

白雲堪愛影吾池欲謂浮萍毋較之自是青
天極空濶盆中此樂又爭為

栢揖松

以下餘詠六

栢即海松與松相望而遠

龍鱗錯落鶴欏蓀庭院得之誰不宜一向亭
亭恥姿媚離然長揖任君奇

蒲拜竹

輕柔獵獵也風安拜拜此君君不知九節長
年何暇詫吞牛氣自籜斑披

水碓

杵聲踈數與澹謀隔竹清眠夜夜秋雲子受
春人不見晨霞欲飲白先浮

木峯

偶有輪囷斷木根奇峯自享思雲騫年來雨
露殊濡足點點苔文合識思

海棠

鳴沙一帶海棠洲老守其如懶出遊墻下數
枝花色是白鷗踈雨領風流領遙也

石竹

川路尋常點點紅奚童媚我入園中可憐風
格終田野白首官居踈瘦同

鏡湖詞二

屢擬往遊竟爾不果詞以遣意

煙水盈盈亦有無鳳池疑此醉宮壺春明一

出頻千里猶得

君思借鑑湖

為金昌道

清見遊魚淺見沙微風時至自生波蘭舟盡
日行無觀戲遣佳人奏棹歌

汎波亭次林塘公韻

洪州

小舟何必上山陰車馬纔休冰雪襟黃鶴白
鷗台府詠高山流水使君琴屬新棟宇逍遙
具堪住神仙汗漫心來歲悅親還有事煙花
莫愛被渠禁

主人趙國弼氏應赴春科會闈

還朝錄

簡易集八

五十二

致仕西原府院君鄭公挽詞二首

道德文章世莫攀
衣冠氣象萬懷間
大臣禮去餘旬歲
童子時遊某水干
此事惟應傳記有
斯人合著畫圖看
終南詩社殘生在
寄挽山陽淚未乾

葬在尚州山陽縣

扈駕遑遑日經邦
草草時居功公定
恥為道我知悲別席
三盃酒留殘七字詩
驪江不忍憶此哭
是前期

書德陽遺稿後奇服齋

二憾成成尚忍言
諸生哭徹未爭寬
當時默

默從天地後世班
班有子孫不死徒聞是正
氣歸來豈得必精魂
故應珍重存遺稿終古
雲霄月一痕

金河西童而甚文
用得服齋先生贈筆
一枝匣而藏之傳之子
若孫至今如新夫其
服義於受知之日慕
賢於大禍之後事可
稱述亦足以想見先
生之萬一云

公未三十立童方九
歲神貽榮管亦羨禍
駭國無仁穎脫忍克
用櫝藏存愛人遂令
日計

壽斲享世傳珍轍毀非脩短扶持豈故新如
將微况大愴惜更堪陳

題閱師卷二首上人來求詩李秀才先
容焉以吾與秀才相信知其取之不安
也為與就之上人住冠岳之妙德寺意
其有樂乎此不必乎幽遠也因亦有所

寓感云

莫逆逢僧為愛山僧來却苦要詩還不知我
亦何從取詩在白雲空翠間

冠岳名藍孰解登枉從千里費行滕文章白

首依京輦寂寞甘同妙德僧

次重過生陽館韻

天使迎接都監
分龔吳集走筆

物色皆呈媚春兵已謝尖桃花工似錦柳絮

肯爭塩客自雲霄降人均雨露沾風流元易

恨莫教別離添

次重泛大同江韻

馬厭沁山路舟耽並水城渚風欺激灑烟樹
闔分明花落依依泛鷗來故故輕休言微物
態不與管將迎

次題牡丹峯韻

一上危峯四望平知因形勢作名城地靈芥
鑿了無迹天樂笙簫如有聲將坐林風清宴
席未歸江月滿空舫不緣造物供仙賞安得
花時連日晴

同前

侑行何處不樓臺爭似危峯屐印苔影與蛟
龍蟠水底勢窮鷗鷺掠天迴城依終古猶興
廢路繞何時了往來縱是仙遊自快活登臨
未厭感懷開

次登詠歸樓遇微雨韻

清和正屬浴沂時况復朱樓壓碧漪風力欲
爭杯酒力雨絲如亂陌楊絲漫逢勝境猶皆
選時出豪言未必危陶寫一場宜爛熳春深
光景自遲遲

次正使明倫堂韻

翰林學士
朱翰之著

新堂未稱禮儀繁奎壁流光在入門非勸明
倫三代學得聞靈性一言論同文已自無遐
邇宣化那分所過存正願請疑函丈地先
漸固陋高墻藩

次正使漢江韻二首

江上樓臺兵火盡盡船猶足綺筵張真仙到
處煙霞衛敝邑由來山水鄉酒後微風生晚
爽詩前好月動晴光陪遊不覺 息波隔却
笑當年郡樂浪
天上人輕地上遊等閑軒蓋到江頭初憑酒
賦堪陶寫遂欲漁歌與唱酬總為 皇恩無
外國非關此境少中州下流餘勝還須選莫
使平分物色留

次正使漢江觀漁韻

漢江自古娛嘉客不能十里 王京陌南北

往來簇輪蹄自在漁村與釣磯江天澹曠連
海國林巒在眇非攀陟采石空聞李謫仙赤
壁堪謝蘇公軾唯有崔顥叶風流漢陽樹兼
鸚鵡洲天上真人留我館忽契霞想來登舟
見賞此境殆天與許以猎事網亦舉當其潑
刺受制時縱觀謹笑忘箸組左右伺者如林
立庖人鼓刀事尤急羣魚應悔居清淺誰肯
問之對以臆大者宜煠小宜鮮風味更佳銀
縷纖盡物取之亦不忍不禦其漏容伏潛何
待秋風討吳鱸足以助酒超塵界斜陽烟景

復流月造物定知今日會陶然醉後倚揭蓬
一夢依然侍九重燕雀安測歸鳳路會應
綵雲瞻太空

次正使韻狎鷗亭與主人者也

人自忘機鷗自樂可以入羣豈相驚鷗雖可
觀不可玩一人之心好與兵列得海上莊濠
上鷗魚同歸至道形大人先生持喻我心欲
與物無將迎鯨生本自居城市衰白不離班
行裏何能便有滄洲情出郭無多占烟水巖
巒陡絕環之流鷗來不猜釣魚舟亭子未成

名先具且襲前人道狎鷗他時縱遂濟勝志
天仙何路陪重遊 勅賜鑑湖知不暇大川
舟楫屬 勤求

次副使漢江韻

梁給事年

過市爭疑衛玠車仙舟在望濯纓初評祭楚
水教煎茗賜憶蓬池試鱸魚月瀨浮金先海
國煙縵積翠逼人居堪著橫笛非華譜嫋嫋
殘聲尚有餘

梁為前庚
吉士云

次副使狎鷗亭韻

狎鷗亭子漢之濱日日鷗來似得親芳草白

沙元境界清風明月自比隣未成解組江干
老得凝忘機海上人發趣幸勤仙客語從教
茲事免沉淪

正使別章

重潤 恩覃海一區鳳皇真覩下 清都名
家學著淵源自 內職才稱黠竄無餘事國
多莊寶墨緒言人當挹春壺不能旬日回行
色安得殘生更執驅

副使別章

叔敬生著州縣功才華周翰鳳樓雄官如條

玉煙霜外氣似壺冰風露中整輟清班遵海
左長留秀句滿天東羽儀幸快爭先覩安測
頃史返碧空

次正使蠶頭韻

今日清遊明日行蠶頭物色屬高情仙風颯
颯雙葢蓋僻壤區區一石泓極浦潮來青草
沒遙山鳥去白雲生不知馬首依稀否煙樹
通州向鳳城

次副使蠶頭韻

仙遊例在此江濱造物呈奇故絕羣岸似圓

平為陡峭流從盪汨更齋法盤渦鷺浴晴仍
暖一道鴉歸日欲曛思勿望雲誰得挽明朝
離髮白紛紛

金領府第宴會

八東文選

避暑風流傾北海衝泥車馬簇南山身忘國
舅衣冠右具取家人鼎俎間桂醞盞愁蕉葉
脆冰著盤訝水晶頑嘉招侶為憐能賦白首
其如夢錦還

送冬至正使洪侍郎遵

趁節遥期南至日披雲會向北辰居三河

渡後丘陵少全剗門西樹木踈去去初逢堪
物色看看具在足人書歸來第一言當路

宮廟方新制合如

嘗云原廟奚襲漢觀德即
禁中于村子龍公別章及

之今此可以盡領其說

送副使李侍郎壽後

單車賀節自年年今為重明行色聯萬里
城回觀建國朝陽門過覺通天衣冠拱陸千
官內玉帛陳庭九譯先奉達我王誠意切
春曹應識誦詩賢

送謝恩使柳侍郎敬休

自惜轉衰因伏枕幾忘將別有留殘人才古
重詩三百使事今輕道四千丹石陞前朝
聖帝碧瑤壇上禮空天誰教遠迹窮雄觀合
識 恩光荅 國虔

送海東回荅使呂叅議格告

不復龍驤虎翼船銜書使者誦詩賢俄乘萬
里長風便直至扶桑出日邊春色定知差早
晚月光應見幾虧圓行惟篤敬言忠信來往
何曾有越燕

題月沙李知事淮陽詩後

李公識略曰癸卯秋 和陵有修改
之役余忝長禮部承 命奉審道次
淮陽府伯韓公壽民為設筵鱸溪魚
酌栢酒余既愛其邑居清絕又喜其
盃盤潔嘉留詩曰山擁重關險江蟠
二嶺長風雲護仙窟日月近扶桑秋
鱸銀鱗細春醪栢葉香爪時倘許代
吾不薄淮陽乙巳余按圻節其七月
聞關嶺大水一帶十餘郡官廨民廬
漂沒殆盡淮陽被災最酷太守僅以

身免余謂此府在嶺脊官舍去江岸
幾百丈水雖大必不能淹置之疑信
問九月巡到江華太僕判官李君希
幹於煤島得一板馳送乃淮陽壁上
詩也驚而問其故則偶於亂槎中得
之云今府伯張君彥忱將行求記顛
末遂書此并與詩板而歸之願諸公
為和章以為淮陽不朽之盛事

天東秀句未流傳海上羣靈為護憐萬折濤
波豈相喻全歸琬琰故依然淮陽不薄供清

譴瀛島元登領徹仙栢酒溪魚吾宿負只今
爭奈已衰年

送 聖節使

亦嘗行役熟偏識去程遙塞盡薊門樹江迴
揚子潮星辰元嚮 極月日况生 堯後却
千官序先於萬國朝夔龍通步武枚馬接風
標詎覺語言阻端令心目澆身疑凌汗漫事
了謝扶搖所得知多少歸期白首翹

次韻敬熙卷

以下三道摠攝賈進冊紙若干貼回 二首

何限南鄉好梵宮千峯花落百川紅練藤自

領酬 明主堪愧城中養病翁

臨老沉痾初起後鏡中一倍雪垂垂贈公何
得清新語應向曹溪洗我詩

次韻尚玄卷

實謝遣也

老子獨垂白童兒惟與玄閑當無欲界病得
去塵緣那復新詩有况兼羨睡邊却歸淨土
寺俱未失安便

旁有小子適書易訣故戲及

惠允卷韻

平生喜見名山僧亂後僧多住五陵安得大
平身再健名山隨處共僧登

妙和卷韻

每被憐詩釋時來訪老翁苦無梅夏雨空有
麥秋風切切三農悶悠悠萬事聾洗心披卷
處戲海忽羣鴻

墨竹八首

不除窓下草春事屬濂翁何況此君嫩著言
意思同 嫩葉

新梢如虎子可畏氣吞牛先者蒼猶短後者
綠脩脩 新梢

龍孫豈地生頭角籜中成稍稍有枝葉幽幽

見性情 筍竹

竹外烟濛濛分明羨在中淋漓真宰迹翻恐
半成功 煙竹

風之於竹也本與生俱生誰須疾知勁百世
師爾清 風竹

向來筠粉態一雨洒然無恙道蒼官伍策名
為大夫 雨竹

雖乏猗猗姿自如綽綽節還須認武公九十
猶箴闕 老竹

莫詫先春梅侵凌臘後雪玄冥行雪時誰復

青青閱 雪竹

淨土僧志軒卷韻

白首安能尚作官非關進步怯危竿去尋淨
社應相待方外論交一味寒

天敏卷韻 有喜雨

忽見今朝兩脚長誰教北斗注天漿吾 王
正為三農禱我與山僧也自涼

靈熙卷韻 香山僧

白雲涵影古溪寒和月時時上石壇詩在山
中自竒絕枉尋歧路太漫漫

天雲新卷

天青雲白似相依天自太空雲自飛雲向山中何處著懸車我亦會知歸

三慧卷五峯首韻

老我從僧漫金吾屬解忙好詩回欲味強韻突如墻漢口閑漁舫龍門敞佛堂煩師能一

迓睡醉講同鄉

五峯新解金吾三慧赴位龍門

戒安卷韻

首題以下三四公皆先今大學士

渠家足相况大士豈凡夫三四已居右伍之母乃愚知音非季子借照類徐吾莫晒續貂

狗惟同拜竹蒲

三應卷韻

以休靜亦彌仍事惟後者也

今之五六祖即余故新師拔世通恩印依京猶道祠家風茲乃在衣法也非移顧我冠

顛志孰成而孰虧

靜政相繼有僧職政今舍三清

天默卷韻

卷頭有李上舍寫雨蘭李名士浩新狀元而江居

墨梅驚世讓花光蘭葉還憐帶雨長新得江臯餘典寫狀元名字與之香

志温卷黃長溪韻

卷裏溪翁廿八言乖違十載當寒暄已無驚

惱應同我憂喜從前幾聚門驚惱自謂提出

許知事潛挽章以清白善治

里閑依然同弱歲朝端籍甚即名卿隨車兩

讓陽春脚懷袖金懲暮夜行故自占 恩賢

上第會看收迹僅寒生一病不果稀年到施

報茫茫理莫評

金知事守伯公所有石陽正畫四軸

九畹滋蘭地豈羸一枝抽棘兆堪驚小人勿

用茲義晦歲暮徘徊空復情 蘭

安能入室好懷開壁蕙相留當驛梅吟裏光

風流轉過夢回落月夜將來 蕙

二難百世足為師一味家風疎瘦姿肉以相

形已不著此君對俗肯成醫 疎竹

花竹由來活寫難灘翁嫩葉世希看昔賢庭

草觀生意何況含滋萬玉寒 嫩竹

惠修卷 韻

亂來逢法侶評事即高禪松廣多泉石頭流

足洞天徒聞千里外失迹十年前白首依京

輦應憐尚守玄松廣其見住慶曾亦久住頭

之恨

信脩卷韻七月十二日脩也初來訪我

聞其辭石洲樓重興屬尔今且歷候

洲翁云為戲之併相示焉

何所聞來何見去主人玄理遜詩聲石洲已

失吾宜得六十九年知悔名理亦作義

送洪順天令公遵

昔號小江南今殘什二三才難膺側席務

急息流檐響下俄刀犢塵前逆篠驟老夫時

所棄風月幾供談

妙彥卷韻記即事贈之彥本香山僧特

與余遊不同耳

略恢容膝不期山蒼翠如爭簷牖間因憶普

賢內院好詎能將汝數孱顏

信俊卷韻

高人耽靜趣韻釋慕儒風可境相邀徃懷時

不命逢一言翻偈了三笑會心空老我惟堪

羨迨迨雲外鍾

送關西韓巡伯益之

早辱公推一日長人歆遠到獨嫌遲故都且

當居留寄西界還須撫禦宜平素樓臺無地

著稱心甘旨
正懸車有所之
恩私却超會讓高風義吾

追易二字歎作翹嫌作矜而庶免失
於愛人以德之意云

同年孫參議仲述挽詞

車馬容門比世榮公承其後亦時英詩書夙
業金籬富朴素家風冰蘩清自在平生如處
子從教八十不成卿考終正爾多虞歲何恨
歸依是舊塋

申參判叔正子婦柳氏挽詞

齊眉方叶敬比目忽離恩父母終無子公姑
錯望孫鏡留空自影花落竟何言積慶容茲
際難窺憂喜門

天淡卷韻其師志軒為請

淡少雖然不相見端良足信對軒時付渠自
有衣兼法何用治戲為覓詩

次韻和鴨島監刈官趙直長緯韓寄示

自朝詩附元篇

祗役出鴨島監刈秋已盡蕭蕭蘆葦晚烈
烈風霜緊駘兵入浦激魚貫排行陳利鏹

若新月一揮驚電迅斬伐并蕭艾管蒯何
曾吝平原忽已赭大澤無餘燼鷗鷺失舊
棲孤兔不復隱斯須積如山課功若得雋
事業止於斯功名聊自哂安得芟夷虜致

令 王靈振

聊然試一官豈謂能事盡自譽而自嘲詩成
字字緊萬里鯨波風千檣虎翼陣終堪狀齊
整不足喻騰迅天子大雅手用之何獨吝人
才逐書亡亂後安受燼僅有失所盛玉堂否
皆隱我非悉公有一鬻味其雋先享大魁名

只應資一哂重惜多壘際未借檄筆振

來詩殊完好可愛僕得此於人甚罕

惟第十三似少意味然否欲為改之

曰鳧鴈任斯舉而不復作失所如何

斯須可作湏臾

次韻和趙監刈寄來近體短句三首

犬雅淵源塞彙村徑路迷玉非忘世位錢謝
止兒啼但怕功名晚誰嫌事業低衰翁殊不
果匹馬訪荒蹊

君進自難量我衰惟捨矜黃編推後畏桂籍

愧先登歲晚期三徑時平會五陵捨榆聊一

戲猶自道飛騰黃編事据君自謂五陵指高陽也

好憎從迭制名實果安憑故業空千卷餘生

伴一燈家人猶不理世道况相陵豈必監官

鄙還同拜起丞末以許丞自况

題吳舍人德考契軸新竹二梅

不可居無竹非關俗待醫醉來雙玉樹相與

倒還歌

卒金左相夫人韓氏挽詞墓在高陽

德稱三公配年羸七袞齊幾分憂國色頻折

在師題地禁鬱侯宅人空狄相蹊郎君故邑

宰奉柩出城西相公嘗以元帥屢去家在師中今公故宅入禁地即君經

守高陽故及

休假錄本稀年錄其未西前

宣宗大王挽詞五言律三首

賞歎君親對謳歌耄艾歸仁明收襲

慶聖順享聯徽畢雪無窮憾重揚

不匱暉即今喪考戚環域似京畿

恭惟依日月竭志篚玄黃鄰逆須先

奏濱危有急章九重為宵旰千里復耕桑

一字 誠攸格 崇終 典亦光

僚底實甘分倫魁曾竊名時評誰比數 聖

度特生成倚馬 褒誠過乘軒 賞會行曝

酣 迴翳遽願 獻奈餘情

挽 宗室息陽守隣契

自卜芳隣來始與宗英密風流推二難 陽川 陽原

兩都從祖君又拔平分岡南北第宅俱甲乙

正也幽谷回 息光珍重守詒厥以文會賓友尤

多長者轍少我五六年相鏡早衰髮聞閒便

相要不放過辰節桃李蔭門徑松蘿補帷帶

澄觴挹金巵豐膳咄嗟易繫絃趨急管哀唱

梁塵逼碁局媚遲景嗔我獨朴拙引滿談絕

倒君猶讓豪越共保太平年不虞有盈缺造

物小兒欺鬼瞰高明室二豎鎮嬰纏丹旌遙

曠倏人生已長違 國步俄中跌都城兵火

餘歸然百萬一南宅入 行宮北宅猶黔突

我復與連蒼再生倍品百屈指疇昔人兒孫

併鬼籙相對慰辜情安得曠朝夕君呼知味

兼我喚識醪熟以此沒餘齒何宜有厭斲乙

已追宿衾一冬先塋側此非衰境堪我已慮

過薦或者損榮衛今春病也革前知有今日
今日君家哭以我七十人聞此心奚若君有
七孝子養也常以色今哭皆哀盡知君後事
足老我惟一子為養頻遠役轉覺百甘旨不
如一愉色歌此以挽君君知我心曲

四景屏題絕句

料理動春酌松風清草閣園丁亦解心不惜
桃花落著人掃花
來從深樹處復望懸崖去一葉泛清淪豈受人間暑

驢在長松陰坐憐楓樹林秋風儘歸興誰占
壑雲深

梅花自粲然霰雪正凋年對鶴茶難去從教
慣避煙

送冬至正使申侍郎滌二章章八句

我后新遭際皇朝舊寵光夏正春且祈
冬至日初長使者尋常外須人夙夜行奉
虔執壤覲竣事授時將

委紆循大鹵陵緬並脩隍帝里雄龍虎
神州蔚鳳凰鈞天盈耳奏雲漢絳身章吾輩

仰陶鑄不能厭粃糠

公由銀臺膺而行故六云

簡

八景屏題

四言

快詩何在懸瀑散漪莫慳拈筆奚也揣知冷
冷起我橋上依依知音有約匣此而歸

右春二

首畫有筆架起我一作滿聽

隔壠洋洋盍觀在留荷竿偕歸儂幸有酒濃
陰自涼過雨又驟長柄笠歌閒中忙趣

右夏二

山高月小鴻鴈南飛臨流扣柂欲訪人稀木
落波急懷人定中尋梵如到綠巖徑窮

右秋二

雪欲過屋僮猶掃關志存當世肯卧素安松
風颭雪苦竹和寒歲暮一琴知音遇難

右冬二

次韻栗谷公黃州妓柳枝卷中絕句第
二首盖公有自叙 此以下休假後作

詎將文字重纖娥一笑前頭當少多最是先
生名義感新粧不復攬菱華

廣法寺遇寶器上人將歸京山欲謁金

知申 尚容 公為戲道之

見說金門受世知空名寶器我心疑新詩古
篆今俱絕一鼎一鍾未有之

次韻拜賡遠接使柳相國台史

文字同盟豈待修閒忙此遇白交頭一年春
動消江雪千里 恩來樹 國憂故使老成

頻出逆非關物色有分留行塵唐突惟酬塞

却畏新知第一流 併呈從事金趙二學士

公我六十七十白實差池故下交頭語而行
中車五山見疑其新云欲以老杜別來頭併

之白謝

疊韻呈謝義州迎慰使申知事行史

何須黃卷對前修肯屈青雲輶白頭萬里論

文驚富學三年賴祿失貧憂那期試筆稀年

作解使行軒半日留莫惜篇章容易出珠無

枯岸玉方流傑於公曾忝萬里同行及公長
西銓傑久同樞今傑有稀年試

筆錄而公為省覽
此錄忘坐久故及

賀平安巡相 大夫人壽辰二首

自嶽分靈佑 世仁維熊入夢應期臣幾年

看化三遷子當日聞羞貳過人慰滿簞瓢臨

宦養榮融俎豆宴初辰深知錫類優稀老但

祝悠長又百春

居守便親 君相知大平消息在城池 九重
重誥下鸞回帟初度觴行燕賀時屬殺國
憂停鼓吹裁敷閨懿入風詩三邊撫遍頭猶
黑付與邦人話作奇撫字用韓碑
莫我撫已語
次吳提學大年和熊 詔使平壤韻
彩毫隨處動新篇霞想飄飄故自然只是世
塵無著地何曾空水各為天雲疑千載帶黃
鶴峽不三川須杜鵑地位未教風雨隔莫將
臨眺怕留連

次韻送 千秋書狀官柳學士 漢

鵠原影亞鳳池波正是聯翩受 顧多同出

關西一千里扶搖又送 上清家大難技理
從事遠接

次吳提學寄示疊韻

真得驚人一兩篇向來相識費翹然春辭太
液池邊樹夏滯清川江上天千里雨徵頻失
鶴一年農候錯憑鷓此時目覩蒼生困近遠

無憂之自連華陽風俗惡鷓聲苦
唯田家候以興農事

送謝 恩副使尹海昌可晦

謳歌一域自歸 啓袞冕三年誠降 周詔
使即知謝使東元臣果帶重臣尤省呼庭鯉

由殷縣便會原鴿出定州先世朝 天遷奕

業白頭猶得記從遊呼之即命呼之呼省即省

嘗會便即便宜之便生於先相公及海

主人夜相副室李挽詞

奕世名閨秀材卿側室宜東陽流妙墨粟谷

啓聞詩絕意千頭橘無心一笑眉綠鬟辭主

日班史訓兒時容易遍供盛誰將同抵衰首

丘應未瞑雙眼此情知李為栗谷李獻之

母也墨妙

遙挽李古阜李獻

余於栗谷公文義實弟兄李獻其少弟撫視

自孩嬰眉眼瑩可念游藝以書鳴作贅梅鶴

翁草聖幾齊名一自公亡後阻觀仕學成適

余南州日作縣屏山清試闈屬多暇為余愜

將迎參商積幾霜竟爾判幽明猶自近穉年

郡守官匪輕回頭九曲潭觴詠隔平生仁者

未必壽念此獨銜彈余頑尚後死於世豈餘

程榮落沆相當農圃寓西京子有閨房秀藩

維副室榮每聆才行羨信其稱家聲近遠欣

戚及有如通家情奈何旬月間挽為父子呈

傳哀千里外終是分義傾

詩自南喪自西適旬月問

送李少尹伯胤城主辭還

一落西來遠日邊為攀歸色上江船傷苑

歲誤治行計少却祥朝一耆年

自陷不忠而欲罪歲得乎煩謝

下知舊將數我者在此哀我者亦或

在此焉漫及之

成川府試後契會圖

江山故國繞移晷雲雨荒臺便入談誰果窮

源期鏡北復能選勝過屏南盛年地主身猶

夢仙分人欺句未覃翻羨諸君文會日圍開

縱賞錦霞酣

僕曾作府三年為人事所關敗意甚不留一詩故及

方伯李公夫人挽詞

業自鄉邦素婚從閨閣知閨房內有灋酒食

外無儀命服移天貴藩闈愛日遷難憑三世

藥盡信百男詩四十僅餘歲人生死及期西

原千里路殘燭逆風吹

贈送同庚大醫許陽平君還朝

自義州

鼎水丹成馭未攀誰期白首謫江關名良

古不須三世寵數今宜第一班蘭局依然

聞漏耳 玉欄寡絕賞花 顏癡人徒自不

忘記千里何曾待 名環館閣類奇云古之用醫心選名世之

後又云醫有不名而良者無名而不良者

挽李博川孝之令公夫人 歿于龍泉站

百年君子期偕老三載專城且莫同逆旅豈

宜生死別龍泉劍影有西東

送冬至正使俞侍郎大禎

重患脚癱末由攀別及承徵語聊効

短句

那思蠅附驥也阻月同船塞徼無烽火田疇

有歲年應偕萬國使要趁一陽天言兵少行

况却愧著鞭先

次五峯韻贈謝金生從事纂印漢史列

傳訖功

手纂雄文百事除光陰肯惜此中徂信知子

長好遊力何遽相如非壯夫不管班家剩奇

字那將尺浪動平湖吾書但熟文奚有空故

翻從剝貴鬚

生曾出幽遷喬故押鬚用戲意呵呵

贈李彥純

海五宅裏尋常見遼廣途中取次同去亂即
從文院事升平仍策酒場功依然一夢四千
里恰有相逢七十翁歸日倘詢衰幾甚差池
多却白還童


伏奉

錄示吳提學盛什伊時適值祔

聞之慘居然後於大衙頌禱之同慶觥
觥負負殊不覺此足以明吉凶不同域
仙凡隔地位敢露和章拜崔巡相牙史
陝分曾聞歲恙偏慈軒稅駟觀豐年天文南
極老人曜地望西方王母仙簾幕影前官妓

陣幔亭觴後子孫筵時推貳膳間淹跡錫類
元依王制篇

簡易文集卷之八

This image shows a page from a book with a large rectangular border drawn in black ink. Inside the border, there are several vertical lines that create columns, suggesting a table or ledger format. The page is otherwise blank, with no text or other markings. The paper is aged and cream-colored, with some minor discoloration and faint markings.

